



孟津詩卷之十一目錄

五言律



思白下

天池山中北寺



冒雨下大熊山

七月廣武山城南歸

仲春至陽和

送雪帆之秦

告岱雲思山際浦漱舊遊

會周櫟園方伯

出郭

野外秋望二首

書吉祥寺僧卷

入增壽寺

自雲中歸

春山曉發

喜旋里

西安縣

告元亮

岱雲

鑑塵

中秋獨夜東劉石生趙錦帆

沙河晚行

秋雨奉使秦中二首

盡日

久違

春顧

秋夜城居

秋日入燕都二首

笛

與少林僧問曇英

獨行城外別墅

馬上

問友人

三弟小有言相慰二首

問太白山

固城驛

登汪氏樓感意示坦公

喜至家園雨

喬家溝喬子

叶應言林慮斷金橋奇山

叶應備道林縣山中王相巖深密嶮異宋

學士避世於斯喜告三弟鑰

廣陵雨至

同友泛孟津石家灘

熊耳山奇峭無倫同四弟鎮山行

嘉遜園同仲和二兄藉茅子姪輩飲二首

江步 秋過彭蠡湖

向夕 棲止茅舍

上陽乾山 望台州

自厭 上堯芳門南山

別諸友南去 秋月花下言

望少林寺 飲六符園

塘西謝卓子 夜深獨坐感懷

將至北新關 泠泠

望解綬 六旬元日詠

憶覺斯長兄入蜀二首

秋夜月下北渡 古怨

門外 冷甚在野

冬日塵土蔽天聞他方有兵事感而作此

野王途次 南心

輓康莊九達同社 思三弟籠二首

玉門諸番僧求長兄書率爾成句二首

紀晦日

登古廟重臺

丹陽湯氏園同仲和二兄遊

殘年呈蓬玄

問二弟鏞欲卜居處

家藏黃公望畫

九日二首

孟津詩卷之十一

五言律

思白下

王鐸

回望三山合江隅路不通邊烽傳意外圓月在
愁中岸濕穿花雨香吹禱廟風寥寥南與北生
趣向誰同

天池山中北寺

王鐸

初入真無路周回得所安新蹄留迹相秘草厚
中間崖谷終何朽陰陽各有端爲心難遽別臨

去復盤桓

七月廣武山城南歸

王鑰

馬走朔雲上心歸暮鳥先
秋風初動地星火正
流天塞水侵官路黃花占野田
微臣承簡命
信宿出寒煙

冒雨下大熊山

王鑰

野風吹遠客秋樹失重巒
熊耳花千種羊腸路
九盤山隨雲度黑人帶雨生寒
剛到孤村內渾
身衣未乾

仲春至陽和

王鑰

春盡柳無色沙高路不經
邊城日氣黑戰地血
痕腥草死收駝子冰枯拾鴈翎
那堪塞上曲又
向笛中聽

送雪帆之秦

王鐸

秦雲飛舊日求定果如何
城郭新時少豺狼亂
後多幽人隣絕塞陶穴蹙黃河
諫草如無隱臨
流許放歌

告岱雪思山際浦激舊遊

王鐸

江岸剩清磯花光上旅衣酒臨松磴險山入海
煙微樵響秋無迹漁歌晚不歸吾徒生羽翼蓬
島可孤飛

會周櫟園方伯

王鐸

驚懼無窮意開顏二月中文奇親友怪語隱故
鄉同衰鬢真難黑春花不易紅更期騎野綠幽
事豈忿忿

出郭

王鐸

出郭山迎翠環村樹滿秋人從溪裏過霧近日

邊收草色連城動蘆聲作水流高天逐遠望展
轉得無憂

野外秋望

王鐸

秋來悶不休徒步自悠悠山遠天將落河傾地
欲流曲洲鳴水鶴岐路走風牛便到西郊外無
端起暮愁

其二

王鐸

一夜西風催四郊嚴氣回豁然心正曠忽遇鴈
南來寒葉關霜慮高花就日開等閒少人見垂

老卧蒼苔

書吉祥寺僧卷

王鐸

幾日下江洲一身奚所求
兵戈經破衲風雪滿孤舟
借寺遊燕市無心夢石頭
組圭應暗笑獨上苑西樓

入增壽寺

王鐸

尚爾剩杉林寒凝日氣深
依然前代寺寧復往年心
獵馬銜邊草僧房見海禽
自觀仍有事還恐負潮音

自雲中歸

王鑰

愁心生白鬢岐路出青山
馬帶秋雲下人從閨月還
天寒風入塞霜重夜臨關
奔走終年事寧如桑者閒

春山曉發

王鑰

晨鐘開曉路東望半天明
遠霧翻疑樹長雲倒似城
山高花有艷春盡鴈無聲
何日茅簷下閒聽乳燕鳴

喜旋里

王鑰

暫返三江權且營一畝居雄風吹病葉鬼馬踏
殘書天地杯中盡雲雷眼底虛年年常作客今
日在吾廬

西安縣

王鐸

風重客行愜閒來吹野車蕭然多水氣朴意在
田家阪隰橘牽柚曠畦竹間花秋光忒醒眼只
是異天涯

告元亮

王鐸

戰馬何時息憂虞孰可謀種瓜無善地作賦漫

登樓隼勁陰風緊人疲側月愁麒麟衫有礙冷
雨况悠悠

岱雲

王鐸

居止若爲隣鬱紆別有親狐裘休戲語象齒各
觀身舊館全移徑寒飈竟廢春祠門求道侶舍
爾屬何人

鑑塵

王鐸

偶爾拂奩塵鏡容認不真顛狂無知已蕉萃果
何人古瑟違今樂羌僧伴病身盤餐充二韭慙

愧舊南响

中秋獨夜東劉石生趙錦帆 王鑰

眼滿庭前月心傷畦內花亂愁歸獨夜整歲在
天涯野老不知漢微官愧有家秋來難自遣何
處聽琵琶

沙河晚行

王鑰

馳驅何未已寒露濕征袍墩堡長拴馬農夫盡
帶刀路經沙土斷鴈比夕陽高晚向燕京去夢
歸人亦勞

秋雨奉使秦中

王鑰

涼風生旅袂久雨望新晴霸水連秦樹隴雲向
渭城心從靡草死秋引衆山行千里今將半前
途又有兵

其二

王鑰

長途驚晚歲早鴈聚寒丘沙偃空心樹城懸調
角樓三年逢九日萬里值中秋別有吹笙處松
聲月滿洲

盡日

王鐸

盡日黃沙起傷心獨撫膺人多還避虎門闔早
吹燈寶劍懸無賴濁醪醉不能青山尋縷脈權
且舍魚魯

久違

王鐸

久違鄉社樹山色見何因風土河仍舊梅花鬼
作隣田荒無稔歲巖古有新春幾日南轅去黎
雲哭故人

春顧

王鐸

春風還肯顧次第到寒門高樹禽相語平階草

又繁衰年求養力往事戒銷魂無復雄飛意看
人避短轅

秋夜城居

王鐸

久作離家客今秋我在家朋攜新醪酒菊綻舊
籬花圓月圍霜白閭風走樹斜南山正當戶日
日看雲霞

秋日入燕都

王鐸

又往幽州去風淒木葉黃火燒鐵塔寺月落瓦
橋霜塞馬驚官驛殘兵補箭囊鄉關回望處清

露滿衣裳

其二

王鑠

古路秋先滿重林野霧開溪花臨二水木葉上
三臺殘日斜常冷晴雲晚更來一行南去鴈嘹
唳總堪哀

笛

王鑠

寒漏下高城蒼涼月半橫不知何處笛暗觸故
鄉情巴蜀山連棧桂林象帶兵中原容易了無
處話生平

與少林僧問曇英

王鑠

此時木石同舊嶺阻花風夢盡姑蘇水心懸太
室鐘衲衣沉破寺香雪閉前峰憔悴今如是躊
躇見遠公

獨行城外別墅

王鑠

新草重重綠妖花的的紅梵聲村寺起牛路石
泉通峭嶂來無外平疇望不窮感時屠狗少日
氣晚濛濛

馬上

王鑠

騎馬便無暇，逡巡不自專。人愁消白墮，桃醉放紅煙。市僧排鹽鮓，獵徒稅木絲。低頭千百里，春樹綠年年。

三弟小有言相慰

王鐸

秋來秋樹紫，躋險少人從。若得潁陽去，大都山意濃。海雲飛白雨，龍杖領青峰。如此收芒粒，少姨何磻鐘。

其二

王鐸

世世惟耕稼，拙存已有年。家無升廟豆，官缺買

山錢牛犢煩，經濟蚍蜉蟻。聒管絃留心，安頓處替我整漁船。

問友人

王鐸

爲問昔時友，如今各鬢凋。書從兵裏到，魂自鬼中招。木葉留殘夢，山城隔斷橋。只從漢口別，又逐廣陵潮。

問太白山

王鐸

太白幾千丈，高低勢不齊。怪峰隨望起，泄竇入空迷。蟠曲熊扳樹，顛連蛇過溪。舉頭瞻繡嶺，雲

氣滿關西

登汪氏樓感意示坦公

王鐸

懶縱升高目廓然想葛天層臺猶在日老大改
前年斥埃颺兵幟衣冠執馬鞭盧鴻真可羨孰
與共分煙

固城驛

王鐸

碌碌逐晨夕勞勞發固城芙蓉狎水性鷗鳥識
人情樹雜清明色風吹治亂聲蒼然池畔草故
向眼前生

喜至家園雨

王鐸

雨自三川至風從兩樹交兵燒無祭噐燕去有
空巢黑水流菰米青花出杏茅小園難盡興欲
往鳳山愁

叶應言林慮斷金橋奇山

王鐸

空虛抱石谿數轉混東西虬窟雷生暗蝮藤露
向低漿盛紅鑿落曲接白銅鞮中土饒奇奧乾
坤懶杖藜

叶應備道林縣山中王相巖深密嶮異宋

學士避世於斯喜告三弟鑰 王鐸
嶂歷千盤上碩人愛石稜花形多俶詭鳥翼僅
飛騰靈轉虛堂磬香聞晦月燈至今巖不變雲
氣尚繩繩

喬家溝喬子

王鐸

紫邏通嵩頂家山在一園土堦蛛作網雞柵水
成門社稷迷人夢蛟龍闕雨痕漫言花藥處全
不眷秋根

廣陵雨至

王鐸

舟行逢好雨漁唱各從容稻落新年杵濤翻避
世龍人聲雜翠管電影入遙峰不盡雷塘色煙
花日日封

熊耳山奇峭無倫同四弟鎮山行

王鑰

谷深幽遠客悅性不知疲春路雲爲馬茅亭水
作籬罽衣承露薄嶂雨出山遲反念長安友朝
鐘繫夢思

嘉遜園同仲和二兄藉茅子姪輩飲

五言詩 卷之十一
桃源卽此是處處綠茅長嫩笋穿蛇腹空園養
麝香鐘音來硯角月影下人傍莫問浮生事且
傾數百觴

王鑰

其二

王鑰

此處生幽意飄風似海涯日和捫母蝨地僻隱
神蛇大嚼玻璃琰狂簪芍藥花老來多聚散日
日守桑麻

同友泛孟津石家灘

王鐸

驚破鷺鷥羣清空發莫雲笙簫千樹響脈絡兩
洲分孤客仍憂國農人不好文游心思博望滌
沆隔聲聞

江步

王鐸

一派秋聲直奔湖作意厖城臨顓頊廟山接海
王臺楚樹天根沒吳帆日脚來潛虬如可駕混
沌在蓬萊

秋過彭蠡湖

王鑰

朝來彭蠡澤暮宿共王城船泊山纔在雲飛月

倒行情閒鷗鳥足野曠菊花明兩日舟中坐滿
天風浪生

向夕

王鑑

昏樹渾成響平臯那見肩未歸大小犢先露兩
三星潦水奔邪道枯坐出壞銘路旁遇散木寧
朽不青青

棲止茅舍

王鑑

棲止蓬茅下柔心遠吠聲夜蟲寒入戶秋草傍
人生樹接三重綠花開四照明經年只靜坐懶

向舍南行

上陽乾山

王鐸

曠覽開心象危峰顯默中雨雷憑下界童僕履
虛空元氣生羣物孤光抱太濛廓然覆載遠浩
浩御天風

望台州

王鑑

果得到天台遨遊遠世埃花澆閏月雨人上隔
年臺龍動深潭沸麈過大竹開焚香禮古佛日
日宿雲隈

自厭

王鐸

自厭爲人拙
崦嵫畏日車
一身嘗擇土
入口尚無家
山兕蠻江鬪
雲龍雪髯華
香巖如可乞
永矢媚高霞

上堯芳門南山

王鐸

突然開異象
躡處轉迢遙
日路存孤塔
楓根見六朝
繁華銷地脉
今古剩江橋
無盡談龍戰
山山落莫潮

別諸友南去

王鐸

曉撥南雲去
心心不整齊
寒江匹馬外
斜日亂山西
萬里隨篷脚
一身過箬溪
閒時湖上看
應有鷓鴣啼

秋月花下言

王鐸

節序忽然改
清秋泠泠經
西風來幾日
黃葉滿空庭
花發前朝色
雲流故國聲
那堪半城月
散了一天星

望少林寺

王鐸

少林高望處
小路嶺頭分
五乳平開寺
雙松斜

對雲嵐光浮遠磬春色寫飛文日日山中卧常
將鹿與羣五乳峰名

飲六符園

王鐸

春日淡光斜杯中已忘家玉臯同坐卧茶串遠
風沙命僕移箏柱當門摘杏花從茲幽素展屢
舞是生涯

塘西謝卓子

王鐸

川源流不息墟落未雍容客訝旁來水林藏折
後峰木魑憑霧黑水弩射人凶莫逆逢傾蓋側

身數酒龍

夜深獨坐感懷

王鐸

火雲蒙斗尾側月上西堂鐙亂參差影花吹來
去香秋鐘分氣數夜露滴興亡獨坐不能寐終
宵徒自傷

將至北新關

王鐸

蓐食無餘興黃昏到古涯一朝人事變萬里月
明斜鬼俗欺懷抱鉦聲逼歲華悲來中更積不
一况陰沙

泠泠

王鐸

泠泠無餘事寒光炤老心
遊多生魯夢歌變改
秦音瓦礫城中滿圖書階下尋
千秋興廢後不壞是梅岑

望解綬

王鐸

牧童相出入解綬少林東
悲憤情須遣古今事
不同牛經諸本草鷄柵一
衰翁閒理山莊業籬花爛熳紅

六旬元日詠

王鐸

新曆催衰貌熟枯意轉悽
塵風吹膚策冰地結
玻璃憶弟燈邊語還家夢裏啼
春風不解事煙景使人迷

憶覺斯長兄入蜀

王鐸

霸橋秦樹老棧道蜀星稀
莫雨秋聞鴈曉風露
滿衣蒲車凌石紐月竹匝荆扉
遙念駢駢處眉山紅葉飛

其二

王鐸

峽仄旅程減山深秋色多
蠶陵人出井巴字水

成河木洞低藏驛關門遠射波家園遙望處良
月上煙蘿

秋夜月下北渡

王鑠

寒夜波聲裏孤帆秋色開蒼苔人幾換兵火月
還來魚尾關民命鵠頭痛士才無能阿世好欲
濟首重回

古怨

王鑠

命在復何語恩深感慨長鑑藏空點泪衣賜尚
留香草色纏宮井渠光接洞房中宵憑角枕屢

夢袞龍傍

門外

王鑠

縱目從田畝雪深寡素鷗戍人停遠塞鐘鼓聒
新愁地窟墳跳貉棗根屋繫牛憑疇詢近信日
晃水空流

冷甚在野

王鑠

已畏羊裘薄緣壕地脉移山川餘國阯松檟老
神祠灑淚悲弓劔觀民恤蠶絲心慙坎坎詠無
計救瘡痍

冬日塵土蔽天聞他方有兵事感而作此

王鑑

寒日飛塵土天光晝色冥連鷄隨火燄戰馬帶
風腥夏屋冬無獵商壇祀不靈東郊吹氣轉似
欲慰頽齡

野王途次

王鑑

雨後蟲聲遍堤邊柳色黃人窮離故土馬老戀
殘鄉落日低連水寒風晚帶霜試看零蔓草故
上野王墻

南心

王鐸

舊事懷今昨飄蓬惜往還孤鴻江日底老馬棧
雲間場滌柴車響葵荒幕井閒迢迢青不了有
味紫金山

輓康莊九達同社

王鐸

生死尋常事如何獨悼君銷聲歸氣骨刷視在
詩文旌影淪秋水松風貫古墳至今猶瑟縮閃
閃結愁雲

玉門諸番僧求長兄書率爾成句

張掖通西域亦知重此文山奇秋鶻上沙渺夜
戈聞梵語書黃葉墩煙射黑雲于闐如得去有
路可尋君

其二

王鑰

命官持戒律鐘響動殊庭螺髻邦人結珊瑚海
鬼擎獅繩牽雪路寺壁繪雷形幻術兼靈寶立
居幾百齡

思三弟鑰

王鐸

日有鶴鴿意經春念往還孤身車服裏百族雨
雷間打鼓梨園歎無人老井閒只憎南路濶遮
住鞏山山

其二

王鐸

秦水西通洛吾家亦近陳三川垂老客二室倦
遊人古翠盤殮物秋稜石乳身杭香飽欲死荆
樹記田真

紀晦日

王鐸

晦日千村色郊原細徑斜觀讎由巷口借硯到

五言詩 卷之十一 五律 其
隣家健卒欣擊鷄昏燈善蔽花雲山納納好非
敢揲包瓜

登古廟重臺

王鑰

古廟何時建荒涼歲月虛蛇龍雖破壁蟲鳥尚
留書日暮心俱落臺高天有餘重來登眺處我
意復何如

丹陽湯氏園同仲和二兄遊

王鑰

鶻鷓園內叫啟戶色青濛曲折凌橋路迂回數
里風野花通竹外活水奏山中老叟拋新笋夢

遺在石叢

殘年呈蓬玄

王鐸

老成凋謝後面藥至殘年作記偏論鬼買山恨
少錢青灰憐悸帶白眼視穹天古道依違審翻
經拜竺乾

問二弟鏞欲卜居處

王鐸

所卜爲何地莫非寓石城句茅饒吳氣牛首入
庚清研黍交山客券牛了賦征案邊龍尾硯畫
蕙養浮生

家藏黃公望畫

王鑰

谿舂何自闢墨氣盪虛空寺外雲兼樹亭邊竹
與風遠橋隔澗出斜路半山通關此乾坤撰卷
舒見太濛

九日

王鑰

九日疎林靜霜寒菊辨稠花光當眼過鬢色逐
人流風白多臨水樹黃各爲秋四郊有戰壘何
處上高丘

其二

王鑰

傷心逢九日肺病已三年人老思鄉土家貧少
社錢栽花淘水井放火起山田菊綻東籬外空
餘色色煙

孟津詩卷之十二目錄

五言律

思啟路

家山

同禹峰雲孫飲葵庵總戎席上

金山寺三首

東望

得坐

相伴

小寒途中作

題水邊新築山翠園

虎丘二首

武功扶風道士

巨岩舉火屯聚予行林箐中

與永嘉海庵僧書付蓮花寺常住

思往荆楚 村居晨起時在亳州

蓋屋山 安安冬意

凍 辛卯秋北上二首

行浦口山遇雨 吹夢

還是 逃離

庭前植二十餘松經一歲活者二

昏夜坐 山中漫興

野外 望三弟鑪來會

賀九寺 春期復和緬言農事

數載未歸 路草

夜 不是昔貌

喜鑪弟書至 送友蒼

示二子無逸無忝 藏山

春日雨中山行 悲四弟鑪

思三弟鑪遠寄書二首

金陵遇四弟匡巒子明五溪借墨題阮氏

石房 苦縣清明途次

吳門早春

同覺斯長兄飲且歌

西郊

玄珠蘭雪堂山池

湖中

馬坡寺

過靈石山

霍州雨後春行

登天池山

春日奉使陽和汾陽

遊慧慶寺

秋日遊塞上古寺

訪友東園

天遊觀

子延至南

思于園時大風

語陳子明

答友

自草橋細路入西墅高臺

錫山

因雨想山房

聖壽寺觀梁陳石幢刻經聞警

南潯村

春日橋東雨後野望

宿鷄鳴驛

春日山行南望

晚行水邊東密之

右耳聾

大雨傾注恐溺夜行盤道菴山中三十里

梁谿散步

雲中兵後

金城至廣武病中望鄉時三晉初定

五言詩 卷之二十三 五律 三
郊國舟夜行

靜海寺

河中

癸巳春日家居

由姑蘇至玄墓天池支硎諸名勝

崑山東山顧園

與德宗

夢馬淑人

春至陽和

南口聞寇警

風沙至王墩憶先壠

孟津詩卷之十二

五言律

思啟路

王鐸

無復家爲累空囊作遠遊
雨蒙吳岳樹天抱漢江流
撰史窺漁火敲鍼倚稻舟
龍津收眼底恐爲武夷留

家山

王鐸

南峰枕上疊冬盡落寒虛
卷口因移宅灰心是讀書
賣蠶支雜稅借斲種嘉蔬
朝市三川地晨

昏孰晏如

同禹峰雲孫飲葵庵總戎席上

王鐸

不期還聚合百戰有周旋深笑如前夢相看異
少年燈明羞珮帶妓舞媚花鈿未定扶身醉月
光幾個圓

金山寺

王鐸

金山水裏寺塔上起高雲雨過江城合潮回天
地分曙鐘飛遠棹秋鴈入斜曛不了東南事猶

添岸上軍

其二

王鐸

樓高風自動石磬落江煙古寺千燈佛秋身八
月船潮平塔出海波靜水流天滾滾東南去幾
年到日邊

其三

王鐸

晚煙收塔脚帆影下星辰雲豁焦山寺船乘吉
水人滿江波撼月隔岸柳藏春吳越客中老飄
飄任一身

東望

王鐸

中嶽未相遠正懸亭子東翠嵐來牖裏白髮出
兵中間鶴憑天路靈簫送澗風宦塗終不返寂
寞此鴻濛

得坐

王鐸

篤寒舍亦清擁被又何營藥焙生淳味雪臨遠
戰聲驅牛回板阜吹角起山城且到春花豔壯
丹倍有情

相伴

王鐸

意內雲山在凌虛有靜居續增三氏易簡鍊八
公書應世才難合謀生老更疎諸羊如可化相
伴在枰欄

題水邊新築山翠園

王鐸

深淺岫無隱偏收翠色新山低雲近水園闊樹
生春花木前朝土乾坤百戰身重來好經眼展
轉似江濱

小寒途中作

王鐸

風轉小寒後揚州復遠遊途窮悲往事樹老憶

前秋兵火全經眼蘆花半上頭藏名兼變服也
會飲耕牛

虎丘

王鑑

昔日遊龍寺今來上虎丘水飛三面白雲換一
天秋治亂江干樹行藏鷗鷺洲休心禪室內塔
影入漁舟

龍寺在
晉襄陵

其二

王鑑

西通牛渚月南望洞庭船虎去千年寺人來八
月天亂雲雜海雨野樹糊秋煙鷗鳥多情性分

飛下水田

巨砦舉火屯聚予行林箐中 王鐸

山形皆刻厲伏弩在茅茨白日看車鬼黃昏思
羽旗氓疲官不禁租重戶多詞洞狃全生處痛
定覺歆危

武功扶風道士

王鐸

初夏入關西青青隴草齊沮源勾鍊幕山礪掘
龍泥數椀徵歌酒行獵騎千蹄英人懷想遠回
馬落雌蜺

與永嘉海菴僧書付蓮花寺常住

王鐸

別來蓮社廢頻憶雨前鐘當戶山光活迎陽海
氣濛禪棲螺女渡戰罷越王宮釋子初無意劫
灰浩未窮

村居晨起時在亳州

王鑰

村墟晨氣白老樹半荒唐一派故鄉水兩叢秋
海棠舊人存數子寒日上枯桑朝夕徘徊處丘
隅慧鳥翔

思往荆楚

王鑰

可得有歸計來遊荆楚間紅桃千樹火白石五
溪蠻風起湖成雪船飛浪作山夕陽秋色裏遙
看數帆還

盤屋山

王鐸

異狀多奇刺水光頓挫開樹同雲結就人似鳥
飛來血鬪玄黃戰邊陲虎豹哀登高獨立處休
使雪髯催

安安冬意

王鐸

友人崩折後風逆閉重門獨在人聲外何知市
井喧斫枝開豆眼扶石衛梅根太室僧來語身
邊帶白蓀

凍

王鐸

風威同水勢偏側着衣寒墜戶尚然怯前途豈
不難澀坡飄瓦走濕棘剝霜乾行至裏城裏孤
燈焰未安

辛卯秋北上

王鑰

南來暑未盡北去苦無休古路荒榛改空城亂

水流早秋入野寺新鴈下生洲終歲離鄉土今
年又遠遊

其二

王鑰

秋霜著衆草遠路下高岑過水風同渡入山虎
共林夜長偏有夢月冷未歸心事事關深慮愁
來不可禁

行浦口山遇雨

王鑰

風苦天無色陰雲高復低萬谿人自轉一路雨
空迷山氣藏江半泉聲葢草西往還將徹歲未

得醉如泥

吹夢

王鐸

天風吹遠夢前後度漳河紅樹西稜少白雲太
室多儺人崇古禮鵬帳起新歌永罷防秋疏軌
文氣已和

還是

王鐸

還是一書生終朝奚所成蔣灘靈鳥叫檉路牧
人行夢疊何遑記酒多未忍傾今秋紅菊媚園
內月三更

迷離

王鐸

羸童隨餓馬將就近紅煙歸意三千里虛名四
十年牛神祈馘穀石齒位蘭淵家計憎人說迷
離日醉眠

庭前植二十餘松經一歲活者二

王鐸

經年須雨雪粒粒見深情僅得新春力忽如此
地生孤心不改貌老葉非圖榮煙隔月姿在秋
秋靜壑聲

昏夜坐

王鑰

閒將小几凭一室冷無燈門外空心樹簷前落
葉藤呼童察曆日炊火讀刀銘明早嵩山去教
孫學木升

山中漫興

王鑰

洛汭龍門口潁陽馬峪川峰高常礙日雲密不
開天蒲草生新節石松冒晚煙山中往來久誤
了半朝眠

野外

王鑰

雨少嫌林燥風來聒衆山獨隨陽鳥去遠過亂
流間圓石白無序秋花晚不閒未遑營一事徒
步聽潺湲

望三弟鑰來會

王鐸

數載婁東別何能減暗愁舊家雙眼淚苦月一
孤舟海路通閭市漁房近縣樓陰符無用女瓜
地恥言侯

春期復和緬言農事

王鐸

爲稼祈田祖委心野徑斜從容渠上水鹵莽草

中花白髮兕觥酒陽坡子母瓜無違恬澹景任
意卧平沙

賀九寺

王鐸

樹合若無路傍尋有寺通遠鴉翻夕景一鴈壓
春風石面雷批壑松腰水掣空凭欄疑日月不
似楚吳中

數載未歸

王鐸

數載江東住西歸猶未能客中聞去鳥秋裏遇
閒僧懸眼看天姥偷身拜禹陵一舟還載鶴來

往欲爲朋

路草

王鐸

女尚知春意及時已發生萋萋能自立寂寂不
求榮舒葉因天篤守根見土情逢人遍處問老
叟不知名

夜

王鐸

移書風氣入翻露竹香生地僻元無事心虛不
有情鐘催花半落鴈叫月微明危坐聽更漏頻
來何處聲

不是昔貌

王鐸

不是昔年貌白鬚難認吾力衰甘息偃心瘁強
歡娛習俗湖山賤艱危鳥獸蘇休官休未得忸
怩說仙都

喜鑪弟書至

王鐸

連宵不夢女省却舊啼痕貌比三年減眼從十
月昏鴈聲寒板屋霜色老都門箕穎修茅舍樂
飢孰可論

送友蒼

王鐸

一派東南水爲心悵不同旅詩傳候火夜雪背
驚鴻霧氣吞河勢日光湧地中雷塘回首望秋
樹遠濛濛

示二子無逸無忝

王鑪

過時然後學勤苦必無成經史乾坤淚箕裘父
子情弓刀爭歲色虎豹啖秋聲須念艱難意立
心莫近名

藏山

在孟縣卽程嬰藏趙孤處

王鑪

我自藏山過藏山秀且文人心血一寸晉國土

三分谿古花成樹峰高草作雲何年登眺處留
眼對斜曛

春日雨中山行

王鑰

客歸何故晚日照緋桃紅霧斷圍城樹花吹夾
雨風人行山色裏春在鳥聲中零落他鄉淚蕭
然一老翁

思三弟鑰遠寄書

王鐸

婁江非近路消息每遲回一夜城中雪三年夢
裏梅兵多鴻鴈少潮滿海船來努力桐鄉事流

光白髮催

其二

王鐸

雖然皆有事日日望吾津山疊奠公樹舟乘牧
野人旌旛沉梵刹未耜祭田神勉學留犢子焚
香慰老親

悲四弟鑰

王鐸

爲哀鷄黍在念女遠還家丘壟狐踪斷邛山樹
影斜新碑陳篋篋戰箠挂桑麻待我逢寒食年
年郁李花

金陵遇四弟匡巒子明五溪借墨題阮氏

石房

王鐸

痛深無復淚一硯有疎親落日逢青草殘山值
舊人力衰仍作客命在愧多身聞道羊城浦漁
房滿綠蘋

苦縣清明途次

王鑰

久客身零落清明草不齊毳毛春燕小盤木古
城低家剩十年亂路同七聖迷遙看前去處又
在杏山西

吳門早春

王鑰

春曉煙凝白霞飛火似紅城邊逢漢樹草裏識
吳宮晴日光寒水新鶯上早風異鄉無所適徒
步出門東

同覺斯長兄飲且歌

王鑰

寧堪旅歲改無奈自高歌鐘鼓兩狂士壺盧一
酒犧家鄉臨白社官路枕黃河不解今秋事秋
來何處多

西郊

王鑰

露白松杉勁霜黃禾黍收回雲餘暮雨古木畏
寒秋人去村煙斷田荒野水流兵戈身已老忍
淚向旄丘

玄珠蘭雪堂山池

王鐸

諸花含道性豔素不因人長養勞天地雨風合
鬼神林光蒙水澤酒意較雲身野曠桃溪趣月
明尤爲春

湖中

王鐸

閉門亦自好何意絕將迎可奈秋湖近爲言綠

水生岸移山不穩舟動月難行身外封蛇事乘
槎定有程

馬坡寺

王鐸

村歌遠岸分西去歷斜曛僮僕逃幽寺牛羊上
古墳羈人猶帶箭野碓更春雲向暮鐘聲動蒼
然若有聞

過靈石山

王鐸

山色來無定人聲入曉空高雲四面起斜路一
邊通野鳥銜乾果巖花落早紅我心如亂葉渺

五言詩
卷之十一
五言
王鑰
渺御天風

霍州雨後春行

王鑰

和風幾日到徧地長蒿萊破樹猶名柳殘雲更
起雷馬從山後下花向雨前開遙望洛陽陌留
春待我來

春日奉使陽和汾陽

王鑰

叠岫煙光厚長林春色多梁疎下白鳥路曲上
汾河馬足緣雲棧弓衣挂女蘿窮途惟算日幾
日到陽和

登天池山

王鐸

首路谿云邁崩崖踐景新忽登雙瀦外別作一
林春開域無三里觀身恰五人璇淵鴻隱地歸
步見遺薪

遊慧慶寺

王鐸

復入精籃裏却如夢所諳歸心傳雒鳥旅意老
吳蠶擣藥聞朝杵流香出遠龕太清何以契夕
照落虛潭

五言詩
卷之十一
五言
王鑰
秋日遊塞上古寺

王鑰

老別霜前樹雲歸塞上峰墩樓明戍火山寺動
秋鐘野獸逐青犴獵人射黑熊閒來僧院裏獨
有一株松

訪友東園

王鑰

亦爾絕營擾竹林向此居房中米芾畫池內莊
生魚燒雉花開杏流螢火聚書更添青黛色春
夏徧櫻櫚

天遊觀

王鐸

變幻峰峰異煙湖尚某村樓臺專翠色猿鳥並

黃昏人去拾茶子舟來飛海門曲中無限意仔
細與誰論

子延至南

王鐸

光黃壤與錯悵望隔西東秋水今無異涼風竟
不同獨眠殘病後共飯亂離中借問避兵者何
山舟可通

思于園時大風

王鐸

犧樽亦可活梵服飲花叢是日榔菴夢其西鬼
市宮雲奔吞海樹颺起礙江鴻艤檝白洋岸笙

音月又隴

語陳子明

王鑰

狂來同牧子買酒入煙汀
日夜頭毛短冬春樹葉青
十年雪換鴈七月火流星
朝夕同君坐笙簧見性靈

自草橋細路入西墅高臺

王鑰

半年不出戶今始出西城
樹綠山腰轉荷紅水面生
斷橋草裏過斜路花中行
方到高臺上隔村煙火明

答友

王鑰

一牀茉莉酒憶女在高臺
何日吹笙嶺看雲將甕
開泉聲觸石起花氣度
風來處處常相伴終年
去不回

錫山

王鑰

無錫泉心厚相從地戶通
溪流出石水帆趁過湖
風雲暗樹先黑日歸山
帶紅只今賣酒處未得
醉成翁

聖壽寺觀梁陳石幢刻經聞警

濕際丹青顯幢間路不斜乾坤存綠字歲序補
黃沙客杖驚山鳥鐘聲走澗蛇與深殊未已何
處又鳴笳

王鐸

因雨想山房

王鐸

雨巖多色態溜滴正瀟瀟獨木當斜路亂溪下
仄橋雷音開栗葉客夢會芭蕉不忿清虛趣十
分給野樵

南溇村

王鐸

誰令春過社忽爾變晴陰秀麥雙岐上閒花一
派深旅魂縈雨脚兵氣犯禽心西昶山山疊仙
踪若可尋

春日橋東雨後野望

王鐸

春逼青陽路韶光著老翁柳榆雙引綠桃杏共
分紅地奮長男氣雲吹少女風羲和均下土先
到野橋東

宿鷄鳴驛

王鐸

鷄鳴宿遠客旅館不知春寒夜風啼樹空城月

五言詩 卷之十一 五言 某
弔人三更官驛火千里故鄉身獨立亭邊坐舍
情意莫伸

春日山行南望

王鑰

南望家何在北歸心欲灰晨風觸浪起旅鴈斷
行來山冷秋先動天晴雲倒回洛陽花正好空
院已先開

晚行水邊東密之

王鑰

漁子螢爲伍照身起碎光何堪評仕味但欲買
湖涼寺外聞昏杵星前送斷香欣欣超動定含

意不能忘

大雨傾注恐溺夜行盤道菴山中三十里

王鑰

忽然二儀遯水山同一科立漩灩瀕馬恐害神
農蘿童僕逢生處風雷發性多爲吾譜詭狀千
古壯嵯峨

右耳聾

王鑰

故里未能通今朝右耳聾事非一夜淚病是五
年風留眼看飛白餘心感墜紅世情渾不曉倖

蚤作衰翁

梁谿散步

王鑰

步邊卽古原燈火又黃昏
縣客除驕穉怪山有宿根
移磯傷蛤蚌鋤草混蘭蓀
甘老丘樊裏終身寄一魂

金城至廣武病中望鄉時三晉初定

王鑰

亂來天地窄病去半身閒
且喜收三晉何時下百蠻
有城還作縣無樹不成山
遙望寒煙處春

明第幾彎

雲中兵後

王鑰

遍野黃蒿滿春城火不煙
關寒嘶鐵馬塞迥落榆錢
嶺樹低藏日雲峰遠礙天
誰爲霍去病戰地草芊芊

郊國舟夜行

王鐸

星光肅靜氣廟竹水聲空
人夢前山裏天垂黑霧中
萬方多羽檄半世一雕蟲
晝夜無停轂涼雲有異同

靜海寺

王鐸

春苔初滿路畫壁見靈通
客轉燈光外樓行水
氣中龍蛇柔慧佛日月老灣
楓貞吉求無吝鐘
音入太濛

河中

王鐸

沙灘嘗畏景壯意盡蹉跎
遭亂身還在失時慮
更多雷前無妹信篷底有龍窩
謀淺斑毛笑
嗟
中聽權歌

癸巳春日家居

王鑰

移得江南草青青到孟津
朝來先有燕日出不
逢人柳眼垂新綠桃花占早春
家中無一事閒
步過東隣

由姑蘇至玄墓天池支硎諸名勝

王鑰

佳嶠煙光別螺房繫遠思
望來多野塔淡處自
深池茶路憑雲占花風喜蝶知
北歸青不了莫
與洞庭期

崑山東山顧園

王鑰

微綠東巖氣晴來瞻曉霜背林伏遠徑隔渚卽
幽房水色流鸚鵡花光落鳳凰永爲無意叟高
卧據匡牀

與德宗

王鐸

雷塘東接海海色入樓青獨處原無慮微言詎
有形衲衣爲眷屬娑樹見花聲壇下鮫人至穆
然對石櫺

夢馬淑人

王鐸

頗覺夢顛倒却令夜不分殷然憂亂語仍是窶

時裙澆酒臨紅日攀花憶素雲情文胡以竭秋
雨正紛紛

春至陽和

王鐸

春來無所事遍野盡沙丘石黑山成鐵風寒塞
作秋土崖崩戍壘獵火射城樓至此鄉心亂經
年未解憂

南口聞寇警

王鐸

王師屢戰鬪寇盜盡飢民室毀壘先破蝗飛土
不仁雷聲鬩鐵馬刀燄動金神治亂天爲政安

危莫問人

風沙至王墩憶先隴

王隴

寒風日色死遊子旅魂哀墓上十年土心間一
寸灰折碑蒙冷雨古路長蒿萊永懷春不寐塗
次屢徘徊

孟津詩卷之十三目錄

五言律

黃蓋峰有聞

東關鷗處園

夜夢

早行

病後

五丁峽

金牛驛

秋日早起

病中思鄴谿

答朱頴濱江南見寄

入新野哭康莊九達先生二首

抵孟津病未瘥

時入洛東起哉諸親

旅宿田村土人撾鼓調笙爲樂感而作此
病遊鴻飛園
遠下白水江建沙堰

寧羗州

思揚州

老僧

約僧

春日塗中早行

邳縣問姪雙槐亭畦

往役會稽

辛卯季秋十六入都

數夜不安枕

東澗奇洞

行白沙驛溫泉村蓬坡間

秋日答友生花月之下自審

秋晚未歸過桃林有感

自語

雨後

昌平諸陵

秋蟲

歷巴蠻書蒼溪

喜病卧家林

耳內鳴

虹橋暫憇

二姪藉茅同諸友約遊西山未果時在仲

秋二首

喜得巨然山水障子

盤中

壬辰上元在園二首

飲渭南南山南氏瀑園

新于城內增修嘉遯園寘榻北堂二首

悲匡巒鎮鈍庵鐔兩弟

朱敬身寄文誌喜二首

懷九舅

家園卽事

憶台宕二山寺

近况寄禹峰雲孫

寄訊無傳謝惠枸杞一樹

虎丘

壬辰子支干一周

友邀汪園看花同覺斯長兄

秦州

題家藏元宋人畫卷

得巨然山水出自內府

數致書無咎京西郊寺中取隆媿吳侍郎

櫬返葬裕州北山

寄行塲玉調

聞渡海事

冬日晚行塞上

高興

春懷

欲說

深井思鄉

欲如天台與友言

晚行

喜閱三弟籠近詩

拙鈍

懷惠宗福緣庵

途中詠懷

別晉黃平侯四世凌玉諸君南歸

小齋

夜中

聞談遼陽千山

水關

問五侯疾因索畫

遯園

高粱橋上北村舍

諭姪

山泉傍僧舍

嘉遯園同諸親友飲

同弟仲和子陶匡巒鈍庵子無黨無咎遊

南礪

山寺

眺南華軒

江北遊太湖

奉命校士齊魯二月自濟南如泰安途

中偶作二首

望泰嶽

孟津詩卷之十三

五言律

黃蓋峰有聞

王鐸

幽興隨山觸足音與斗懸癯松翻綠浪飛石閣
青天難得兵車合空聞羽檄傳禱嵩倘意注目
斷郃城煙

東關鷗處園

王鐸

出城無一事只爲訪新塘石朶青相笑樹陰綠
不妨僮喧來左戶雲下就匡牀閱盡花間味衣

裳藕葉香

夜夢

王鑰

鄉關昨夜夢夢裏過鄉關樓上人相見天涯我
未還那知洛浦月亦到介休山南北幾千里牀
頭路不聞

早行

王鑰

漫天皆大野冒冷逐殘星不辨將飛雪遙聞暗
響鈴伏牛伸半脊熊耳缺全形天欲安吾夢昏
昏卧綠醺伏牛熊耳
二山名

病後

王鐸

鵬退緣何故病中不及分邛樹欣無礙巴灘永
不聞滑酒澆墳土開書縱篋雲藏山莫著業孰
是好人文

五丁峽

王鐸

五丁名復爾鑿迹映心顏奇險不由地色聲若
戀山此情空智慮秋意只虛閒我與蜀禽合籃
輿晚未還

金牛驛

王鐸

寒光凝不極一屋亦悲涼
誦事多陰術宵行見
薄霜山音隨大野江氣注
遐荒入蜀一微笑崖
邊又整裝

秋日早起

王鑰

晨光猶未曙白犬卧當門
呼僕通隣夢修仙吸
日魂角聲橫草木天氣壓
鷄豚無寐因秋至捫
心不可言

答朱頴濱江南見寄

王鑰

違時成野性世俗不能侵
開地埋神劔修船載

鬱林幾人容白壁何策點
黃金吳楚青天濶滔
滔賦陸沉

病中思鄴谿

王鑰

病深筋骨懶心碎皮毛空
杖屨皆非我參苓半
作翁窓臨雜雨樹花落過
橋風遙羨鄴谿處月
明錦樹中

入新野哭康莊九遠先生

王鐸

野風吹瘦骨泪眼黯蕭蕭
好友今陟降空山半
寂寥書堂留拜石宅樹護
吟蕉文字難知已還

誰續大招

其二

王鐸

升階儼昔敬無語若聞聲俎豆疑酬酢詩書喪
準衡私田生稗草別墅作軍營倘遇春明日園
紅更感情

抵孟津病未瘥

王鐸

雖病亦徜徉乘閒卧草堂藥科殘篋內牛乳夜
燈傍綠嶽編新拍白頭返故鄉花龕春欲啟拄
杖造生香

時入洛東起哉諸親

王鐸

數年不踐迹君徑亦生苔洛浦倉皇去吳江僥
倖來先吹鳳凰管還酌鸚鵡杯相對終宵話愁
顏爲女開

旅宿田村土人搗鼓調笙爲樂感而作此

王鐸

搗鼓思狂士吹笙感故丘鄉心流荇晚戰地野
花秋日月埋青眼乾坤洗白鷗天涯行已倦欲
去復還留

病遊鴻飛園

王鐸

城裏篁陰淺近山入數峰
鳥幽人不語輪激水能春
秦蜀彌天險功名透骨
慵嗅梅還待月隱
隱動微鐘

遠下白水江建沙堰

王鐸

旅館棲荒野雪來已變秋
屢憎青嶂集厭說白
江流角警垂毛虎心飛
落石樓到家纔幾日沙
鳥徧煙洲

寧羌州

王鐸

層躡峰峰異數家不掩關
衣沾蟠冢雨路岔武
當山瘠土豺狼內居人
介胄間羌歌安忍聽皓
首未能閒

思揚州

王鐸

久要澤國約何日上揚州
白鷺三江雨瓊花一
樹秋空賒芳草夢屢欠
釣魚舟歲歲雷塘水東
歸只自流

老僧

王鐸

老僧雙錫杖破衲一身衣
佛影常隨定禪光半

入微過江不用渡縮地似能飛日落寒林晚飄然何處歸

約僧

王鐸

洗藥身邊事因知冬臘深一年巴路水萬里洛城心烽火熏邊徼袈裟補石林同棲同濾水經呪在空岑

郊縣問姪雙槐亭畦

王鐸

豈欣餘習擾一畝是誰宮鶴老孤常避墻傾戶盡通人亡村曠外鬚改泣歌中溪卉明年長朱

英遇善風

春日塗中早行

王鐸

客行偏起早桃杏滿通津水斷橋邊路鷗驚馬上人設壇禳戰鬼打鼓跳蠻神春來我先到前途可有春

往役會稽

王鐸

何日纔能返王程借遠遊一身來越國八口寄幽州漢地徭風滿蠻城海雨秋窮途安所事惆悵在龍丘

辛卯季秋十六入都

王鐸

今秋秋已暮昨夜月重新車馬園中蝶弓刀病裏身作詩惟好古出路不逢春千里從茲去前途少故人

數夜不安枕

王鐸

更籌難到曉不寐畏寒餘徧診冠裳味惟思栢栝居封疆通幣帛人貌變龍魚便訪芝田伴高眠枕古書

行白沙驛溫泉村蓬坡間

王鐸

南來白水路猿鳥若相親伊闕加冬服鴻池減病身驚沙雷廟毀正月棗山春祇恐隣翁見昔顏認不真

秋日答友生花月之下自審

王鐸

應世苦無計爲官愧不才自憐謀慮拙空怨鬢毛催月滿七重暈花兼兩代開那知人去後又有鴈飛來

秋晚未歸過桃林有感

王鐸

桃冷先飛葉人來樹不花野風吹短草殘日照

五言詩 卷之十三
圓沙霜積秋河直田荒古路斜一官輕似羽十載未歸家

東澗奇洞

王鐸

草密緣盤道京塵遠且微畫懸秋際海窓曬窠時衣蠻貊歸羣遠駱駝到眼希恬心從律業默默受花醅

自語

王鐸

顛毛七十近不欲離蒲團兒女生逾衆形骸日以殘藏風猶怕冷度曲且求歡休敘嘉陵水狐

灘與蟒灘

雨後

王鑰

崖高山倚樹近看樹生雲雨去天同散人來路不分秋花垂火燄潦水起雷文無數出林鳥啞啞枝上聞

昌平諸陵

王鑰

遙望諸陵暮前朝一鴈飛枯藤纏死樹野火葬靈衣夜暗谷風勁秋深木葉稀那堪翹首處白露遠霏霏

孟... 卷之十三... 秋蟲... 王鑠

秋蟲稱小物形氣感陰生本地常親下近人作
大聲爭鳴分羽翼假物為言行十月飛霜後淒
淒不有情

歷巴蠻書蒼溪

王鐸

攜得古藤杖藥山入石根隱名皆衲子開鬱混
黎園劔閣陵雙屐巴江貫一門木容兵氣盛蠻
域劃乾坤

喜病卧家林

王鐸

恰恰桃花放藥鎗是棄餘足塵閒自洗鶴蟲亦
兼梳遠志嗟名障勞生悟道虛京華偏喜隔春
後總無書

耳內鳴

王鐸

聾聲耳內至一飯又來喧過肆招占命掀方學
補魂燼村淘涸井戰地辨葵根老鈍祈無辱君
門未敢言

虹橋暫憇

王鑠

虹橋三面水老樹一身秋嚴氣凌疎木長河接

五律

斷流紅飛茵茵雨白動鷺鷥洲孰謂行吟者何
天不可留

喜得巨然山水障子

王鑑

危巖垂老樹獨閣倚長虹精氣開靈谷神光接
混濛雲藏山上寺木落岸邊風靜裏悠然會龍
湫此處同

二姪藉茅同諸友約遊西山未果時在仲

秋

王鑑

圭峰雨後疊峽水石邊清遠近嵐爲色高低樹

作聲山寒積夏雪谷曉落春英想像雲霞地飛
身一羽輕

其二

王鑑

何日松巒上花光滿客衣香城春谷月古洞夏
雲屏瀑水爭巖溜山禽冒雨飛高天窺萬象吾
輩欲相依

盤中

王鐸

盤中但苦鹽貧定不須占作鵠多同鷺緯蕭亦
作簾流年空荏苒往事較安恬所好皆成患傷

心看武鈴

飲渭南南山南氏瀑園

王鐸

他人有此地不善取高霞裁割生圖繪補添竅
水涯徙蘭從石器借硯過隣家輞墅思今昔非
徒哭此花

新于城內增修嘉遯園寘榻北堂

王鐸

鄭君專谷口我亦擅煙洲長揖辭諸貴爲農返
故丘雪消中嶽出天折大河流柱下沉潛氏寘

心委致柔

其二

王鐸

枕簟藥田上生憎轡影過病因秦蜀積夢受雨
雷多飲食安鄉土禽魚享壁蘿不同江墅險白
晝犯鼃鼃

悲匡巒鎮鈍庵鐔兩弟

王鐸

忽隔陰陽路重泉歲月幽殘霜新塚樹冷淚故
山秋風雨兩河水蛇龍一土丘高明來物忌展
轉不能休

朱敬身寄文誌喜

朱子可為畏雄才稱爾奇津城蘿燭晚客路暮
鐘遲龜殼留文祖龍圖啟卦辭洛陽萬古地來
往拜先師

先文安兄
門下士

其二

王鑰

林白餘殘照石流亂馬聲觀光遊上國學道出
京城路草生春夢楊花落世情好音須惠我莫
惜羽毛輕

壬辰上元在園

王鐸

嘉遜園方寂華燈也不繁嶽青窺屋角花冷簇
籬根廟社催鄉鼓竹音代客言今年今夜月的
確離都門

其二

王鐸

寒入西鸚翅園中茁澗毛仕路辭腰綬元宵解
壁刀舊池行定綠病叟着方袍不日東陵望緜
月與眉高

懷九舅

王鐸

蜀國扶斑杖長征入氏羌縱然經暴虎猶勝遇

述陽童穉常從母
郎襄獨倚檣
看燈春氣好
應念此霞觴

家園卽事

王鑰

老頓有滋味
破墻亦是家
鬱籬瑟瑟幹
芍藥猩猩花
映戶開新浦
出林放小鴉
方知瓜豆事
不共廟堂嗟

憶台宕二山寺

王鑰

鴈宕一彎水
天台萬壑松
山中秋占寺
雲裏夜飛鐘
珠樹藏香鳥
金壇起毒龍
登臨意不盡
霜

外採芙蓉

寄訊無傳謝惠枸杞一樹

王鐸

斑然枸杞樹
垂子結紅冰
一念孤根對
虛空靜氣凝
誦經河響柵
闔牖虎吹燈
我且何棲息
忘天尚未能

近况寄禹峰雲孫

王鐸

日月驅人急
欲將穀雨徂
白河偏不死
黑髮盡皆枯
觸雪呼村饌
乞神藝棗符
端陽無寸病
打鼓望山湖

虎丘

春日虎丘寺重來我獨遊
桃花開古樹漁岸上新流
綠竹深藏屋紅英晚映洲
一湖震澤水不送北行舟

友邀汪園看花同覺斯長兄
王鑰

入圃逢嘉客孤花讓衆芳
偏能紅處白獨在冷時香
哭笑城池改行藏龍鳳傷
心疑停琰地泛泛認流光

壬辰予支干一周

王鐸

花甲臻新曆何知返破城
抱孫聊自喜墜戶又防兵
昏暄彌人日誅求壞土耕
老夫憐籍籍南澗怕遊行

秦州

王鐸

策馬秦州道河沙晚日黃
一方餘土屋幾處有農桑
秋鬼依禪院驕軍奪婦璫
少陵風土紀搔首益彷徨

題家藏元宋人畫卷

王鑰

開卷到仙家雲峰石路斜
斷山時結霧雜樹晚

歸鴉細錦龍鬚草深紅鳳嘴花子真谷口處遍地有桑麻

得巨然山水出自內府

王鑰

大化由人造嗟我金匱傳丘陵一帶樹風雨兩重天室內流雲氣筆中出海煙無勞筋骨力已卧翠峰巔

數致書無咎京西郊寺中取隆燉吳侍郎

櫬返葬裕州北山

王鐸

十年藏破寺魂魄照西曛世易疎君子我寧忘

故雲樵牧初知禮英雄始有墳方城山下樹氣結水沄沄

寄行場玉調

王鐸

京巷時時劇霜催兩鬢新笙簫終夜酒書劒百年身太室欽僧臘伏牛試洞春七旬吾老瘦相見訝何人

聞渡海事

王鑰

兩岸連勾越奇洲是遠遊潮聲多怖客沙勢不妨舟刀貝通閭井碑磔入地喉經年天上過下

看是琉球

王鑰

冬日晚行塞上

王鑰

亂水蒹葭外荒村古驛中羣鷗投落日羸馬嚼
枯蓬塞冷山無樹路高雪有風柴車徒簡簡那
得是崆峒

高興

王鐸

尋嶺香溪合藏身鳥逕高連房依委宛排石任
周遭插葉看畦蒞攀藤走澗嶠不妨高興發乘
鯉越空濤

春懷

王鐸

半醉當溱溱中殮幸及春隨牛登北坂拜梵過
南隣竹氣沾雕硯荷馥染幅巾依棲無老淚訛
火遠清澗

欲說

王鐸

騎馬獨駢駢風塵老病身有情惟下淚欲說向
何人永夜懷丹闕中年失老親諸公肯弼亮願
與衆松隣

深井思鄉

王鑰

立馬鵲山頂行旌豆水渠時危人帶箭客老鴈
無書殘雨秋花亂寒風古木疎離家經數載忍
淚意何如

欲如天台與友言

王鑑

每想天台處山山有桂花石梁懸却月丹竈起
殘霞風急猿聲暮水飛樹影斜不知幾日到留
住在仙家

晚行

王鑑

晚過黃沙外潛行小路邊山飛雲似馬江濶水

如天心碎月明下淚空鴈影前勞人何處宿長
夜不成眠

喜閱三弟鑰近詩

王鐸

吾弟新詩好積愁爲女開功名輕鬼蜮詞賦變
雲雷壯志黃圖破流光白髮催無然嫌墨事虎
岫水滌涸

拙鈍

王鐸

溫風判一方難得做廬忘弧矢情俱冷耕蠶計
已荒流年花纂纂往事月堂堂拙鈍不能改滂

沱咽淚行

懷惠宗福緣庵

盡日一盃對時來春草生身原無夢想樹亦共
修行鬼母鈔殮食鮫人拜梵聲何年三昧酒半
醉聽真笙

途中詠懷

王鑰

豈是宦情薄蹉跎不耐春花開驛路火船載竿
都人世險須防患官貧反累身盧敖踪未遠已
許卧嶙峋

別晉黃平侯四世凌玉諸君南歸

王鑰

未審任何鄉徘徊別路長馬從秋水過人扮校
軍裝北冀雪逢鴈東都月變霜居諸容易去恐
負種蓮莊

小齋

王鑰

小齋惟獨寐尚惱衆雛橫杖影貧相顧書光晚
自明開筠通蝶翼散髮玩天行何處雙砧杵黃
昏起怨聲

夜中

空庭臨暝色月委半牀陰蟋蟀有歸夢鴛鴦無
舊音人情三歲轉世慮五更深衾擁温孤骨客
思懼古今

聞談遼陽千山

王鐸

摩空驚險阻靜氣抱岑樓日湧諸天迥風吹絕
塞秋法筵來鴈喜夜壑見龍遊浩浩六幽曠熙
心孰可儔

水關

王鐸

杳邈湖光白隨身見有形寺邊雙凍柳蘆際一
孤亭烽火經年劇魚蝦滿市腥盛時物物育釋
志想花馨

問五侯疾因索畫

王鐸

數月無寒雪知君善養生書堂餘聖氣藥鈔有
親情墨畫飛天色春風壓酒聲金魚池上柳誰
與綠中行

遊園

王鐸

乘興來無次不嫌風雨知觸心蝴蝶草礙眼牡

丹枝花發經三月鶯啼又一時分明遊物外
瑟瑟鬢如絲

高粱橋上北村舍

王鐸

村破無全瓦蓬門晝不關
居人來壟上乾鵲響
桑間何物徵長策
虛心討故山一簞囊
五字計日澹開顏

諭姪

王鐸

雖爾經殘破吾谿有舊扉
年荒林影禿物變水
形微老鶴迎霜叫孤臣
何日歸彌綸曰已矣血

淚漬絺衣

山泉傍僧舍

王鐸

水聚極幽處石呀不可名
結暉空寺損茶影
古潭清果落從人食
僧歸傍虎行
休心禪室內兀兀自無情

嘉遜園同諸親友飲

王鐸

圖畫飛懸水酌觥
落遠山花從愁裏放
人到醉中間
筭馬朝聞慶觀魚
夜不還他年秋月上
還照舊時顏

山寺

法鼓聞危閣忽生亭午涼荆花皆着紫虎豆未
垂黃邊騎經諸寺蜀兵接故鄉每嫌塵世慮巖
窟未能忘

同弟仲和子陶匡巒鈍庵子無黨無咎遊
南礪

王鐸

俱在籃輿下高陵望外殊天清河氣轉木落戍
煙孤礪路蛇蛇度石梁窅窅鋪况云朱柿晚谿
鼠喙珊瑚

眺南華軒

王鐸

且學蒙莊氏虛冲無始終心癯一杖外秋老萬
山中丹宅深靈日龍潭起夜風他年飛不死何
意揲著叢

江北遊太湖

王鐸

靈通天與合欲辨有無間空氣非從水秋容豈
在山衣冠深世法鉤棘老人顏細味吹鬢氏不
知買芷鬻

奉命校士齊魯二月自濟南如泰安述

中偶作

二月春將滿懸旌出郡城路從山裏上人近日
邊行官柳調新綠巖禽落舊聲斯文真有愧何
以教諸生

其二

王鑑

人物終蕭莽文章自古今掄才翻海岱銜命
蹴雲岑青過須留眼紅飛不損心此行占國氣
梁父漫長吟

望泰嶽

王鑑


泰嶽遙相望高峰半矗天亂雲停白雨疊巘長
青蓮氣鬱應多虎崖深定有仙今春我纔到留
住在山巔




五海記

卷之三

三



6



7